

Barúwa ya ncholo ya Yooháani Mulongooryo

Barúwa iyi, yaandikwa ni mutumwi Yooháani kati ya myaaka ya 85-100 keende Yéesu ^avyaalwa. Yooháani aandika barúwa iyi kwa mpuka ya vaantu ^vamura Yéesu. Vaantu ava, Yooháani ajáa aveenda maatuku vii ja vaana na vijeengi vyaachwe (2:1, 7, 12, 18, 28; 3:7, 21; 4:1, 7).

Barúwii iyi, Yooháani avakalaamya vaantu ^vamura Yéesu watuube kava kintu kimwi na Mulungu hamwi na Yéesu Kirisitu (2:24-27; 4:12-16). Kei avalama kutu vareke teerera masáare ya vasíiti Kirisitu ^vari mpukii ya vaantu ^vamura Yéesu (2:18-23).

Yooháani avakumbusikya vaantu ^vamura Yéesu kuvasea, yeeye iikala hamwi na Yéesu. Yeeye amona kwa miiso yaachwe, amuteera kwa matu yaachwe na amakwaata kwa mikono yaachwe (1:1-4). Sa jeyyo, yeeye amamányire Yéesu ni muntu wa kikomi ajáa na ni Mwaana wa Mulungu. Na kei avasea, Mulungu atuheera suusu ^tamuruma Yéesu nkaasu ya siku ^jisiina uhero, na nkaasu iyi ni kwa mwaana waachwe Yéesu Kirisitu iri (5:5, 11-12).

Cho kiimikirirya, Yooháani avawyira vaantu ^vamura Yéesu vasaakwa siku joosi vamweende Mulungu na watuube kwiiyenda voovo kwa voovo.

^Vyeene Kitáabu iki Chagavwa

Yéesu noo Isáare ^riri nkaasu 1:1-4

Vaantu ^vamura Yéesu vave vaantu va
kiweerú, kari vatuube weerú tukú 1:5-2:27

Vaantu ^vamura Yéesu viiyende kwa
kweenda kwa Kirisitu 2:28-4:6

Vaantu ^vamura Yéesu vave kiintu kimwi na
Mulungu na vindooyeren'ya mitima yoosi
4:7-5:12

Vaantu ^vamura Yéesu vatúryaa nkaasu ya
siku ^jisiina uhero kari Yéesu 5:13-21

Isáare ra Nkaasu

¹ Iki noo ^cheene toovavariyurira. Kira ^kijáa
kimwaari baa ncholo☆ si inaanda, kira ^takiteera,
kira ^tachoona na miiso yiiswi, kira ^takilaanga,
^takikwaata na mikono yiiswi noo Isáare ra nkaasu
ya siku ^jisiina uhero.

² Nkaasu iyo yavariyulwa, na suusu twiyyona, na
tookonekya kikomi na tookaarya nkaasu ya siku
^jisiina uhero, iyo ^ijáa na Taáta na ^yavariyulwa
kari suusu.☆

³ Toovawyiira nyuunyu kira ^tachoona na
^tateera, sa nyuunyu mave kiintu kimwi na suusu.
Na kuva kiintu kimwi kwiiswi ni kuva kiintu kimwi
na Taáta na Mwaana waachwe YéesuKirisitu.

⁴ Aya ni kuyaandika tiise sa kavyeenda kwiiswi
voosi,* kukiimane.

Kavyeendera Kiweerwii

⁵ Masáare ^tateera fuma kwaachwe, na
^toovawyiira nyuunyu, noo aya, Mulungu ni
kiweerú na kari yeeye kusiina kilwiirya chochoosi
tukú.

☆ **1:1** Laanga Ncholo 1:1; Yooháani 1:1-3. ☆ **1:2** Laanga Yooháani

1:14. * **1:4 kavyeenda kwiiswi voosi:** Nakála jingi ja kali
jasea, Kavyeenda kwaanyu.

⁶ Kooni taséire ni kiintu kimwi turi ne na kunu tooyeendera kilwiiryii, ni uloongo tooluusa, na si tootumama kira cha kimaári tuku.

⁷ Maa kaa, kooni tooyeendera kiweerwii ja ye-eye ^vyeeene ari kari kiweeru, ni kiintu kimwi ^turi suusu kwa suusu na sakami ya Yéesu Mwaana waachwe ni tujirula yiise na uvi woosi.

⁸ Kooni taséire tusiina uvi tuku, tookiikoovera suusu veeneevyo na kira kikomi si kiri kari suusu tuku.

⁹ Kooni talúusire uvi wiitu kari yeeye, yeeye ni wo kiilaangiwa na ni muwoloki, yeeye sea ari uvi wiitu wasirire na tujirula ari na kusova uwoloki koosi.

¹⁰ Kooni taséire si tabweeyya uvi tuku, toomabweeyya yeeye ave muloongo na isáare raachwe si riri kari suusu tuku.

2

¹ Vaana vaani vaduudi naveenda. Ni kvaandikira niise aya sa mudiire bweeyya uvi. Maa kaa, kooni muuntu yoyoosi abwéyyiirye uvi, amwaari umwi wo tulusikira kwa Taata na noo YéesuKirisitu Muwoloki.

² Yeeye noo mpóryo yo seyya uvi wiitu, maa kaa, si sa uvi wiitu vii tuku, baa kei sa uvi wa weeru yoosi.

Kukwaatya Hlairiri Waachwe

³ Iki noo ^chabwéyyaa tutaange tamumányire Mulungu, ni kooni tookwaata ndairiri jaachwe.

⁴ Ura ^aséaa, “Namumányire,” na si akwáatya ndairiri jaachwe, uwo ni muloongo na kira kimaári kisiina kari yeeye tuku.

⁵ Maa kaa, ʉra ʼakwáatyaa isáare raachwe, ʉwo kweenda kwa Muluungu kwakiimana kʉri yeeye kamwi. Kwa iri tamányire ni kʉri yeeye ʼturi.

⁶ Yoyoosi ʼaséaa iikalaa kʉri yeeye, asaakwa abweeyye ja ʼvyeeene Yéesu abweeyya.

ʉlairiri Mufya wo Kiiyenda

⁷ Vanaviitu naveenda. Si noovaandikira ʉlairiri mufya tuku, maa kaa, ʼmujáa muutiite keende aho ncholo.☆ Na ʉwo ʉlairiri ʼmujáa muutiite ni iro isáare ʼmujáa noro.

⁸ Baa neembe ni jeyyo, ʉlairiri ʼmweene noovaandikira ni mufya, noo kusea, rira isáare ʼriri kikomi isii yaachwe na isii yaanyu, sa kilwiirya chooolooka na kiweerʉ cha kikomi chaándire lava.

⁹ Muuntu yoyoosi ʼaséaa amwaari kʉri kiweerʉ, maa kaa, amʉshula mwaanaavo, ʉwo akaari kilwiiriyii.

¹⁰ ʉra ʼamweenda mwaanaavo ʉwo iikalaa kiweerwii, na kusiina kintʉ ʼchoomabweeyya iikunguvale tuku.

¹¹ Maa kaa, yoyoosi ʼamʉshula mwaanaavo, ʉwo ni kilwiiriyii ari, kei ayéenderaa kilwiiriyii na si amányire baa kuntu ʼyoodoma tuku, sa kilwiirya chamuhokurya miiso.

¹² Ni kʉvaandikira niise nyuunyu vaana vaani vaduudi,
nyuunyu ʉvi waanyu wasewa wasírire sa irina raachwe.

¹³ Ni kʉvaandikira niise nyuunyu vala taáta,
sa nyuunyu mwamutaanga,
yeeye ʼajáa amwaari baa ncholo si inaanda.
Ni kʉvaandikira niise nyuunyu vatavana,

☆ 2:7 Laanga Yooháani 13:34.

sa nyuunyu mwamusiinda ʉra Mʉvi.
 Ni kʉvaandikira niise nyuunyu vasinga vaduudi,
 sa nyuunyu mwamʉtaanga Taáta.

¹⁴ Ni kʉvaandikira niise nyuunyu vala taáta,
 sa nyuunyu mwamʉtaanga
 yeeye ^ajáa amwaari baa ncholo si inaanda.

Ni kʉvaandikira niise nyuunyu vatavana,
 sa nyuunyu mwatiite ngururu,
 na isáare ra Mʉlʉungʉ riikalaa kʉri nyuunyu,
 na nyuunyu mwamusiinda ʉra Mʉvi.

Kari Mweénda Weeru Tukʉ

¹⁵ Kari mweénda mavi ^yari kʉri weeru tukʉ,
 baa na viintʉ ^viri kʉri weeru tukʉ. Kooni mʉuntʉ
 yoyoosi iyyéndire weeru, kweenda kwa Taáta si kʉri
 kʉri yeeye tukʉ.

¹⁶ Sa kira kiintʉ ^kiri kʉri weeru, noo kʉsea,
 baa ja ʉláku wa mʉviri, ʉláku wa miiso yaachwe,
 na kwiivaa kipeembe ^kwaréetwaa ni usúngaati, si
 vifúmaa kʉri Taáta tukʉ, maa kaa, ni kʉri weeru
 ^vifúmaa.

¹⁷ Na weeru ni looka yiise na ʉláku waachwe,
 maa kaa, ʉra ^atámamaa kira Mʉlʉungʉ ^asáakaa,
 ni nkaasu ari kwa siku ^jisiina ʉhero.

Vasíti Kirisitu

¹⁸ Vasinga naveenda. Iji ni mpʉndi jo herererya.
 Ja ^vyeeene mwateera, musíti Kirisitu amwaari
 yookʉja, jeyyo vasíti Kirisitu ^vari foo vamwaari
 vahúmwiire kʉja. Sa isáare iri tahúmwiire taanga,
 iji ni mpʉndi jo herererya.

¹⁹ Vafuma kʉri suusu, maa kaa, si vajáa viitʉ
 tukʉ. Sa ngaari vajáa ni viitʉ, ngaari viikala na
 suusu. Kufuma kʉri suusu koonekya baa ʉmwi vii
 waavo si ajáa wiitʉ tukʉ.

20 Nyuunyu mwahakwa makuta ni ʼra ʼAri Mʼja, na nyuunyu voosi mwakimányire kimáári.

21 Si navaandikira nyuunyu ati si mukimányire kimáári tuku, maa kaa, nyuunyu mwakimányire kimáári, na mwamányire kusiina ʼloongo wowoosi ʼufúmaa kuri kimáári tuku.

22 Mʼloongo ni ani? Mʼloongo ni mʼuntu ʼaséaa Yéesu si Masía tuku. Mʼuntu ʼari jeyyo noo musíti Kirisitu, noo kusea, yeeye amuhéeraa moongo Taáta na Mwaana.

23 Mʼuntu ʼaséaa Yéesu si Mwaana tuku, ʼwo si ari na Taáta tuku. Na yoyoosi ʼari ruma na ʼari sea Yéesu ni Mwaana, atiite Taáta.

24 Kuri nyuunyu, kira ʼmwakiteera keenda ncholo, laangi neeja chiikale kuri nyuunyu. Kooni kira ʼmwakiteera keenda ncholo chookiikala kuri nyuunyu, nyuunyu kava mʼri kiintu kimwi na Mwaana na Taáta.

25 Iki noo ʼcheene Mʼlungu iichuunga kuri usu, noo kusea, nkaasu ya siku ʼjisiina ʼhero.

26 Ni kavaandikira niise masáare aya vaantu vara ʼvooyera kavatwaala na ivarwii.

27 Kuri nyuunyu, Mʼlungu avatheera Mutima Mʼja ʼikalaa isii yaanyu. ʼwo noo ʼari vakiindya kira kiintu. Ukiindya waachwe ni wa kimáári si wa ʼloongo tuku. Sa jeyyo, si yoosaakwa mʼuntu avakiindye tuku. ✧ Ja ʼvyeeene Mutima avakiindya, mwaava kiintu kimwi na Kirisitu.

Vaana va Mʼlungu

28 Haaha, nyuunyu vaana vaani vaduudi, mave kiintu kimwi ne, sa ʼari variyulwa, mave

✧ 2:27 Laanga Yooháani 14:26.

mwiitema, mudiire kooni soni mbere yaachwe, mpiindi ja kuuja kwaachwe.

²⁹ Kooni mootaanga yeeye ni mawoloki, nyuunyu mwamányire kira ^atúmamaa wvoloki, avyaalwa ni yeeye.

3

¹ Laangi kweenda uku kukuulu ^kweene atuheera Taáta, suusu twaanirirwe vaana va Muluungu! Jeyyo noo ^vyeene turi! ^Cheene choobweeyya weeru idiire kututaanga ni sa viintu weeru si yamutaanga yeeye.

² Vanaviitu naveenda. Haaha turi vaana va Muluungu, maa kaa, si vinavariyulwa ni jooli turi kava tuku, suusu tamányire ^viri variyulwa, kava turi ja Kirisitu, sa moona turi ja ^vyeene ari.

³ Kira muuntu ^amwiiláangyaa yeeye, iitálaryaa ja viintu Yéesu ^ari uteréere mbere ya Muluungu.

⁴ Kira muuntu ^abwéeyyaa uvi, uwo awúnáa miiro, noo kusea uvi ni kuwuna miiro.

⁵ Maa kaa, suusu tamányire, yeeye avariylwa sa aseyye uvi, na isii yaachwe kusiina uvi tuku.

⁶ Jeyyo, kira muuntu ^iikalaa isii yaachwe si atúmamaa uvi tuku. Kira muuntu ^atúmamaa uvi si amoona yeeye tuku baa si amutaanga tuku.

⁷ Vaana vaani vaduudi, kari murume muuntu yoyoosi avakoovere tuku. Kira muuntu ^atúmamaa wvoloki, uwo ni mawoloki, ja yeeye ^vyeene ari mawoloki.

⁸ Ura ^atúmamaa uvi ni wa Ikúulu ra Mirimu Mivi, ^ratúmamáa uvi keende aho ncholo. ^Cheene chabweeyya Mwaana wa Muluungu avariylwe, ni kamala mirimo ya Ikúulu ra Mirimu Mivi.

⁹ Yoyoosi ^avyaalwa ni Muluungu si atúmamaa uvi tuku, sa mbeyu ya Muluungu yiikalaa isii yaachwe, baa si ari daha tumama uvi tuku, sa yeeye avyaalwa ni Muluungu.

¹⁰ Maa kaa, muuntu si ^abwéeyyaa uwoloki, noo kusea ura si ^amweenda mwiiwaachwe, uwo si ari mwaana wa Muluungu tuku. Jeyyo, noo ^vyeene tutáangaa kikomi vaana va Muluungu na vaana va Ikúulu ra Mirimu Mivi.

Mwiiyende Nyuunyu kwa Nyuunyu

¹¹ Masáare ^mwateera keende ncholo noo aya, twiiyende suusu kwa suusu.

¹² Kari muve ja Kaíni tuku, ura ^ajáa wa Muvi akamuulaa mwaanaavo.☆ Ni sa che amuuulaa? Sa mirimo yaachwe ijáa ni yaviiha na ya mwaanaavo ijáa ni ya uwoloki.

¹³ Sa jeyyo, vanaviitu, kari muhwáalalaa kooni weeru yavaswíre tuku.

¹⁴ Suusu tamányire talooka fuma inkwyii tukingira nkaaswii, sa taveenda vaaniitu. Ura si ^amweenda mwaanaavo iikalaa inkwyii.☆

¹⁵ Yoyoosi ^amusuula mwaanaavo ni muulai, na mwamányire muulai asiina nkaasu ya siku ^jisiina uhero isii yaachwe tuku.

¹⁶ Jei noo ^vyeene tataanga kweenda kwa Muluungu, Yésu Kirisitu atoola nkaasu yaachwe sa suusu. Naasu tasaakwa tutoole nkaasu yiitu sa vaaniitu.

¹⁷ Kooni muuntu atiite usúngaati wa weeru ihi na akamoona mwaanaavo ^asiina kiintu, maa kaa,

☆ **3:12** Laanga Ncholo 4:1-8. ☆ **3:14** Laanga Yooháani 5:24.

adiire kumoonera mbavariri, jooli kweenda kwa Muluungu kuri kava kiintu kimwi ne?

¹⁸ Vaana vaani vaduudi, kari twiiyende na milomo vii tuku au kwa lurimi vii tuku, maa kaa, kwa mirimo na kimáári.

¹⁹ Jei taanga tari suusu ni va kikomi na tuurya tari mitima yiitu mbere ya Muluungu.

²⁰ Baa neembe mitima yiitu yindootulamurira, suusu taanga tari Muluungu ni mukuuu kalookya mitima na yeeye amányire kira kiintu.

²¹ Vanaviitu naveenda. Kooni mitima yiitu si yootulamurira, kwiitema tari mbere ja Muluungu.

²² Chochoosi ^talóombaa, tahókeraa fuma kwaachwe, sa tatúubaa ulairiri waachwe na tatámamaa yara ^yamweéryaa mutima.

²³ Uhu noo ulairiri waachwe, suusu turirume irina ra Mwaana waachwe Yéesu Kirisitu, na twiiyende suusu ja yeeye ^vyeene atulairirya.

²⁴ Vara ^vakwáataa ndairiri jaachwe vavíjaa kiintu kimwi ne na yeeye avíjaa kiintu kimwi novo. Suusu tamányire Muluungu íikalaa kuri suusu. Sa jooli? Sa yeeye atuheera Mutima waachwe Muuja.

4

Kutaanga Mutima

¹ Vanaviitu naveenda. Kari murúmaa kira muuntu ^aséaa atiite mutima tuku, maa kaa, simbuli neeja moone kooni uwo muuntu yoolongoolwa ni Mutima fuma kwa Muluungu, sa valáli na mutwe va uloongo ^vari foo vafúmiire aha weerwii.

² Jei noo ^vyeene muri taanga Mutima wa Muluungu, kira mutima ^uri ruma na ^ari sea Yéesu

noo Masía na ʼuʼja na mʼviri, ʼwo longoolwa iise ni matima fuma kwa Muluungu.

³ Matima wowoosi ʼra si ʼumurúmaa Yéesu, ʼwo si wafuma kwa Muluungu tuku. Na ʼhu noo matima wa musíiti Kirisitu ʼra ʼmwateera wookʼja, nowo wuʼjire kʼri weeru.

⁴ Maa kaa, vaana vaani vaduudi, nyuunyu ni vaana va Muluungu, kei, nyuunyu mwahumula vasiinda avo valáali na matwe va ʼloongo. Sa ʼra ʼari isii yaanyu atite ngururu kulookya ʼra ʼari kʼri weeru.

⁵ Voovo ni va ʼhu weeru, noo ʼchooreka vakíindyaa masáare ya ʼhu weeru na vaantu va ʼhu weeru vavatéereraa.

⁶ Maa kaa, suusu ni va Muluungu. Muuntu yoyoosi ʼamumányire Muluungu, atutéeraa, na ʼra ʼsi wa Muluungu, ʼwo si atutéereraa tuku. Kwa njira iyo twatáangaa Matima wa kimáari na matima wa ʼkwaata.

Muluungu ni Kweenda

⁷ Vanaviitu naveenda. Twiiyende, sa kweenda kwafúmaa kwa Muluungu. Muuntu yoyoosi ʼaveenda viivaachwe, ʼwo avyaalwa ni Muluungu na amumányire Muluungu.

⁸ ʼra si ʼeenda, si amumányire Muluungu tuku, sa Muluungu ni kweenda.

⁹ Muluungu atoonekya kweenda kwaachwe, ko matima Mwaana waachwe wa mpeke kʼri weeru, sa suusu tʼpate nkaasu kutweera kwaachwe.

¹⁰ Jei noo ʼvyeeene kweenda kʼri, si suusu tʼjáa twamweenda Muluungu ta tuku, maa kaa, yeeye atweenda fʼuru akamutima Mwaana waachwe ave mpóryo yo seyya ʼvi wiitu.

11 Vanaviitü naveenda. Sa viintü Muluungu ^atweenda jei, baa suusu toosaakwa kwiiyenda.

12 Kusiina muuntü ^anamoonä Muluungu mpiindi joosi tuku. Kooni twiiyéndire suusu kwa suusu, Muluungu kuva iise kiintü kimwi na suusu na kweenda kwaachwe kiimikiririwa kwiise kari suusu.

13 Suusu tamányire twiikalan'yaa ja kiintü kimwi na Muluungu na yeeye Muluungu iikalan'yaa ja kiintü kimwi na suusu, sa yeeye atuheera Mutima waachwe.

14 Suusu toona na toonekya kikomi, Taáta amatuma Mwaana waachwe ave Mulamuriri wa weeru.

15 Muuntü yoyoosi ura ^aruma na ^aséaa Yéesu ni Mwaana wa Muluungu, Muluungu avijaa kiintü kimwi ne, ne kiintü kimwi na Muluungu.

16 Suusu tamányire ^vyeene Muluungu atweenda na suusu taviika kuruma kwiitü kari kweenda kwaachwe.

Muluungu ni kweenda. Yoyoosi ^avijaa kiintü kimwi na kweenda, uwo avijaa kiintü kimwi na Muluungu na Muluungu avijaa kiintü kimwi ne.

17 Kwa njira iyo, kweenda kwakiimana kari suusu sa tave na kwiitema siku ira ya ulamu, sa ja ^vyeene Yéesu ari, noo ^vyeene turi suusu aha weerwii.

18 Kuuntü ^kari na kweenda, kusiina woowa tuku, kweenda kwa kikomi, kwakibiryaa woowa woosi, sa kulairwa chiiru kwaréetaa woowa. Muuntü yoyoosi ^ari na woowa, kweenda kwa Muluungu si kuna kiimana isii yaachwe tuku.

19 Suusu tatiite kweenda sa Muluungu noo atweenda ta ncholo.

20 Kooni muntu aséire amweenda Mlungu na kuu amuula mwaanaavo amuruma Yésu, uwo ni muloongo. Sa kooni muntu si amweenda mwaanaavo ura yoomoona, si ari daha kumweenda Mlungu si anamoona tuku.

21 Uu noo ulairiri fuma kwaachwe, yoyoosi amweenda Mlungu asaakwa amweende mwaanaavo.✧

5

Kumuruma Mwaana wa Mlungu Kwasindaa Weeru

1 Kira muntu amurumaa Yésu ni Masía, uwo ni mwaana wa Mlungu. Kei kira muntu amweenda Taáta, amweenda na mwaana avyaalwa ni uwo Taáta.

2 Jei noo vyeene tatángaa taveenda vaana va Mlungu, ko mweenda Mlungu na kukwaatya ndairiri jaachwe.

3 Kumweenda Mlungu, ni kukwaatya ndairiri jaachwe. Kei ndairiri jaachwe si jarutaha tuku,

4 sa kira avyaalwa ni Mlungu, uusindaa weeru. Kuruma kwiitu noo njira yo kuusiinda weeru.

5 Ni ani adáhaa kuusiinda weeru? Ni ura mweene arumaa Yésu ni Mwaana wa Mlungu.

Koonekya Yésu ni Mwaana wa Mlungu

6 Yésu Kirisitu yeeye ni muntu kikomi, yeeye uja kwa maaji na sakami. Yeeye si uja kwa maaji vii tuku, maa kaa, kwa maaji na sakami.

✧ 4:21 Laanga Valáawi 19:28; Nkumbukira ya Miir 6:4-5; Maárik 12:30-31.

Na Mutima wa Muluungu noo ^woónekyaa ayo, sa Mutima ni kikomi.

⁷ Jeyyo kwatíite viintu vitatu ^vyoónekyaa kikomi:

⁸ Mutima, maaji na sakami, ivi vyoosi vitatu viirúmíraa kíntu kimwi.

⁹ Kooni tarúmaa koonekya kikomi kwa mhuuntu, koonekya kwa Muluungu kwalookya sa koonekya uko ni kwa Muluungu mweeneevyo. Ne oonekya kwa Mwaana waachwe.

¹⁰ Kira mhuuntu ^amurúmaa Mwaana wa Muluungu atíite koonekya kura kuri mutimii waachwe. Maa kaa, ura si ^amurúmaa jei, aséaa Muluungu ni muloongo sa si arúmaa koonekya ^kweene Muluungu oonekya kuri Mwaana waachwe tukú.

¹¹ Na koonekya uko noo uku, Muluungu atuheera nkaasu ya siku ^jisiina uhero na nkaasu iyo twiipátaa kwa Mwaana waachwe.

¹² Ura ^ari na Mwaana wa Muluungu, uhu atíite nkaasu iyo ya siku ^jisiina uhero. Ura ^asiina Mwaana wa Muluungu uwo asiina nkaasu ya siku ^jisiina uhero tukú.

Nkaasu ya Siku ^jisiina Uhero

¹³ Ni kuvaandikira niise masáare aya nyuuny ^mwaruma irina ra Mwaana wa Muluungu sa mutaange mwatíite nkaasu ya siku ^jisiina uhero.

¹⁴ Suusu twiima neeja mbere ya Muluungu sa tamányire kikomi, kooni talóombire kíntu ja ^vyeene asáakaa, kututeera ari.

¹⁵ Sa viintu tamányire yeeye atutéereraa kira ^turi muloomba, kei tamányire atuhéeraa vyoosi ^tamulóombaa.

16 Kooni muuntu amwiíne munduu waachwe yoooweeyya uvi si ^ari wa inkwya, asaakwa aloombe, na Muluungu kumuheera ari uwo muuntu nkaasu, kiintu ^nooluusa aha ni vara uvi waavo ^usiri wa inkwya. Umwaari uvi wa inkwya si nooluusa aloombe sa uwo tuku.

17 Kiintu chochoosi ^chasova uwoloki ni uvi, maa kaa, umwaari uvi ^usiri wa inkwya.

18 Tamányire ura ^avyaalwa ni Muluungu si atámamaa uvi tuku, ☆ sa Muluungu amwiimiríraa sa kura kuva Mwaana waachwe, na ura Muvi si ari daha kumusaasya tuku.

19 Suusu tamányire turi vaana va Muluungu na weeru yoosi ni isi iri ya wiimiriri wa ura Muvi.

20 Kei suusu tamányire Mwaana wa Muluungu uja, ne atuheera suusu umanyi sa tudahe kumutaanga yeeye ^ari Kikomi. Na suusu ni kiintu kimwi ^turi na yeeye, yeeye ^ari Kikomi, noo kusea kiintu kimwi na Mwaana waachwe Yéesu Kirisitu. Uhu noo Muluungu wa kikomi na nkaasu ya siku ^jisiina ahero.

21 Vaana vaani vaduudi, iyimiriri nyuunyu vee-neevyo fuma kari vidabalaíyo.

☆ 5:18 Laanga 1 Yooháani 3:9.

Rangi **Rangi Translation Project (New Testament)**

copyright © 2023 Wycliffe Bible Translators, Inc.

Language: Rangi

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-08

PDF generated using Haiola and XeLaTeX on 7 May 2025 from source files dated 8 May 2025

f1dc5da6-bc39-5ea5-ac13-942132b5feb6